



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Health

Broj: 10-04-20454/20  
Sarajevo, 15.06.2020. godine

Na osnovu člana 66. stav (4) Zakona o zdravstvenoj zaštiti („Službene novine Federacije BiH“ br. 46/10 i 75/13), člana 14. stav (3) Odluke o preuzimanju prava i obaveza osnivača i usklađivanju organizacije i poslovanja Javne ustanove Dom zdravlja Kantona Sarajevo („Službene novine Kantona Sarajevo“, br. 7/12, 49/13 i 50/13), te člana 37. Statuta Javne ustanove Dom zdravlja Kantona Sarajevo („Službene novine Kantona Sarajevo“, br. 40/13 i 20/16), Ministar zdravstva Kantona Sarajevo donosi

### **O D L U K U**

**o davanju saglasnosti na Odluku Upravnog odbora Javne ustanove  
Dom zdravlja Kantona Sarajevo o imenovanju generalnog direktora**

#### **I**

Daje se saglasnost na Odluku Upravnog odbora Javne ustanove Dom zdravlja Kantona Sarajevo, broj:01-01-74-71/20 od 11.06.20120. godine, o imenovanju Dr Muhameda Ahmića, spec. neuropsihijatrije, za generalnog direktora Javne ustanove Dom zdravlja Kantona Sarajevo, na mandatni period od (4) četiri godine.

#### **II**

Ova odluka stupa na snagu danom donošenja.

### **O b r a z l o ž e n j e**

Upravni odbor JU Dom zdravlja Kantona Sarajevo obratio se dana 12.06.2020. godine, ovom ministarstvu aktom broj:01-01-74-72/19 od 12.06.2020. godine, kojim se traži saglasnost na Odluku Upravnog odbora Javne ustanove Dom zdravlja Kantona Sarajevo broj:01-01-74-71/20 od 11.06.20120. godine o imenovanju Dr Muhameda Ahmića, spec. neuropsihijatrije, za generalnog direktora Javne ustanove Dom zdravlja Kantona Sarajevo, na mandatni period od (4) četiri godine.

Uvidom u predmetnu odluku upravnog odbora konstatovano je sljedeće:

Upravni odbor JU Dom zdravlja Kantona Sarajevo je na prvoj redovnoj sjednici održanoj dana 23.04.2020. godine, donio Odluku o pokretanju procedure za raspisivanje javnog oglasa za izbor i imenovanje generalnog direktora ove ustanove. Javni oglas za izbor i imenovanje generalnog direktora je objavljen dana 29.04.2020. godine u dnevnom listu Oslobođenje kao i na web stranici JU Dom zdravlja Kantona Sarajevo, a dana 30.04.2020. godine oglas je objavljen i u Službenim novinama Federacije BiH.

Također, u predmetnoj odluci je navedeno da je Upravni odbor JU Dom zdravlja Kantona Sarajevo imenovao Komisiju za utvrđivanje ispunjavanja uslova svih prijavljenih kandidata i ispravnosti dokumentacije kandidata prilikom prijavljivanja na javni oglas za izbor i imenovanje generalnog direktora ove ustanove. Navedena Komisija je, na sastanku održanom 21.05.2020.godine, konstatovala da se na javni oglas za izbor i imenovanje generalnog direktora prijavio jedan (1) kandidat i to Dr Muhamed Ahmić, spec. neuropsihijatar, za kojeg je Komisija utvrdila da ispunjava opšte i posebne uslove tražene javnim oglasom za izbor i imenovanje generalnog direktora. Komisija je o svom radu sačinila izvještaj koji je dostavila Upravnom odboru JU Dom zdravlja Kantona Sarajevo na dalje nadležno postupanje.

Sa prijavljenim kandidatom je Upravni odbor JU Dom zdravlja Kantona Sarajevo, dana 11.06.2020. godine, obavio intervju na kojem je pozvani kandidat prezentirao svoj program rada i razvoja ove ustanove za mandatni period, te nakon obavljenog intervju Upravni odbor JU Dom zdravlja Kantona Sarajevo je donio odluku da se Dr Muhamed Ahmić, spec. neuropsihijatar, izabere na funkciju generalnog direktora Javne ustanove Dom zdravlja Kantona Sarajevo, na period 2020. – 2024. godine.

Obzirom da je članom 14. stav 3. Odluke o preuzimanju prava i obaveza osnivača i usklađivanju organizacije i poslovanja JU Dom zdravlja Kantona Sarajevo, kao i članom 37. Statuta JU Dom zdravlja Kantona Sarajevo, propisano da generalnog direktora JU Dom zdravlja Kantona Sarajevo imenuje upravni odbor ove zdravstvene ustanove, uz prethodnu saglasnost ministra zdravstva Kantona Sarajevo, a što je u skladu sa članom 66. stav (4) Zakona o zdravstvenoj zaštiti, Upravni odbor JU Dom zdravlja Kantona Sarajevo je dostavio Odluku o imenovanju generalnog direktora na prethodnu saglasnost.

Uzimajući u obzir sve naprijed navedeno, odlučeno je kao u dispozitivu.

Dostaviti:

1. JU Dom zdravlja Kantona Sarajevo  
Upravni odbor  
adresa Vrazova broj 11, Sarajevo
2. a/a

MINISTAR  
Prof. dr. Rasmir Mesihović



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1

